

國家圖書館藏

清光緒兵部奏稿

全書三卷
續修四庫全書
文獻
心

國家圖書館分館編

清光緒兵部奏稿

兵部奏稿

光緒十五年四月

職方司付奏儘先都司文上貴改獎一摺

又 奏儘先副將沈貴祥改獎一摺

又 奏廣東獲盜出力請獎一摺

武庫司付奏 派繙譯會試彈壓副都統一摺

以上四摺於四月初三日加班具奏

兵部謹

奏為查明具奏事據兩廣總督張 將借補廣西麟林

營守備之儘先都司文士貴保案查覆到部 查自
軍興以來各省增撫大目保獎人數過多無論奉

旨允准及交部議奏臣部惟按其單內所保官階照章分
別准駁仍飭取該員弁等出身履歷送部查核後
再行註冊如查有保獎各案參差錯悞之處臣部
即奏明更正歷辦在案今文士貴前送履歷冊開由

軍功保獎以外委儘先拔補於勦滅丹古亂苗等內
經前湖廣總督李 等保獎免補把總以千總儘先拔
補於防勦越南接仗出力經前署廣西巡撫潘 保
獎免補千總以守備儘先補用於攻克越南文淵州等
處案內經前護廣西巡撫李 保獎免補守備以都
司儘先補用並戴花翎等語該員前經借補廣西
鬱林營守備當經 臣部檢查保獎千總原案係由
把總底銜請獎行查在案茲據該督查覆係外獎

以把總歸營拔補臣等復查該員垂先經奏保把總其
守備之案係光緒十年所保在光緒七年變通章程以
後仍應照章逐層遞改應請將文上責前保千總之
案改為免補外委以把總儘先拔補前保守備之案改
為免補把總以千總儘先補用前保都司之案改為免
補千總以守備儘先補用並戴花翎俾昭核實其請
借補廣西撫尉林蔭守備員缺俟

命下之日臣部另行辦理所有查明具奏緣由是否有當伏乞

聖諭訓示通行謹

奏請

旨

兵部謹

奏為查明具奏事據前任陝甘總督譚 將借補甘肅破口營都司之留甘儘先副將沈貴祥係案查覆到部 查臣部奏定章程內開嗣後各省送到武職履歷如保至守備以上官階其從前保獎千總把總外委一律均免查核等語查自軍興以來各省督撫大臣保獎人數過多無論奉

旨允准及交部議奏 臣部惟按其單內所保官階照章分

別准駁仍飭取該員弁等出身履歷送部查核後
再行註冊如查有侍獎各案參差錯悞之處臣部即
奏明更正歷辦在案今沈貴祥前送履歷冊開田軍
功侍獎以把總儘先拔補於克復雲夢等縣案內經
前湖廣總督李侍獎以千總儘先拔補於堵剿竄
匪案內經前署山西巡撫鄭侍獎以守備補用於克復
巴燕戎格城池案內經前陝甘總督左侍獎以都司
補用並加遊擊銜於關隴肅清案內又經侍獎以遊

擊補用於新疆南北兩路一舉蕩平案內又經保獎以
泰將留甘補用於勦辦瓜子溝番匪出力又經保獎以
副將仍留甘肅儘先補用前經臣部檢查該員保
獎千總守備兩案原保均無其名行查在案今據
該督咨覆恐原保時漏未敘入請將該員歷保逐
案遞改仍請借補缺口營都司等語臣等復查該
千總之案應照光緒七年新章免其查核外其原保守備既
係無從查考自應將續保各案逐層遞改應請

將沈貴祥前係都司之案改為以守備補用前係遊
擊之案改為以都司補用前係參將之案改為以遊
擊留甘補用前係副將之案改為以參將留甘儘先
補用俾昭核實是其查辦循化番案前議加一級仍
照原案註冊所請以加一級改為副將銜之處並無辦
過似此成案碍難照准應請毋庸置議至請借
補缺口營都司員缺俟

命下之日臣部另行辦理所有查明改獎緣由是否有當

伏乞

聖鑒訓示遵行謹

奏請

旨

兵部謹

奏為遵

旨議奏事內閣抄出兩廣總督張 片奏光緒十一年

十二月間新安縣屬盜首江亞章即林亞枝糾集
匪夥十六人駕艇行劫事主張亞桂漁船得贓越數
日又駛至赤灣洋面伺遇事主王榮亞信貨船該
匪等嚇禁行劫得贓並將兩案事主眷屬一併關
禁圖贖換駕貨船正砍颺逸出港適經帶緝私

輪船現補澄海營右營守備補用都司武永泰
駕駛蓬洲海輪船正在各處查緝私鹽聞報當
即奮勇追截將江亞章吳亞萍兩匪當場格傷
其夥黨黃亞勝一名先經失足自行溺斃又不識
姓名兩名溷海遁逃不知生死其江亞章等首
夥十三名連船一併拿獲提同事主質訊屬實解
勘明確批飭照章就地正法梟示該員武永泰查
緝私鹽覓於外洋海面拿獲兩案大夥洋鹽十

餘名實屬異常出力未便沒其微勞懇將補用都司澄海營右營守備武永泰免補都司以遊擊仍留廣東遇有外海內河水師缺出儘先補用以示鼓勵等因光緒十五年正月二十三日奉

硃批

兵部議奏欽此欽遵到部

查臣部奏定章程

內開除軍營戰功准其越級免補其餘無論何項勞績概不准越級請升亦不得免補免選又尋常勞績不准保獎儘先遇缺等項班次倘有不

照新章仍行濫請者即改為補用選用又千總以上官員有舉發巨案等獲著名大盜及隣境大夥等犯並外來潛匿兇盜與尋常盜犯不同准由該督撫等聲明案由擇尤併奏俟補缺時聲明獲盜案由併案送部引

見各等語今補用都司廣東澄海右營守備武永泰拿獲洋盜出力據該督聲稱寔屬異常出力惟究非戰功勞績所請免補及儘先遇缺班次均與定